

卷之四

雅音會編卷之八

羊城康麟文瑞集次

後學剡溪王鈍校正

下平聲

四豪

五言絕句

正音

塞下曲

盧綸

月黑鴈飛高。單于夜遁逃。欲將輕騎逐。大雪滿弓刀。

長信宮

劉方平

夢裏君王近。宮中河漢高。秋風能再熱。團扇不辭勞。

遺響

春閨

崔道融

欲剪宜春字。春寒入剪刀。遼陽在何處。莫望寄征袍。

從軍行

令狐楚

却望冰河濶。前登雪嶺高。征人幾多在。又擬戰臨洮。

李集

觀放白鷹

八月邊風高。胡鷹白錦毛。孤飛一片雪。百里見秋毫。

韓集

柳溪

柳樹誰人種。行行夾岸高。莫將條繫纜。看處有蟬號。

五言律詩

三體

晚發天井關寄李師晦

許渾

山在水滔滔。流年欲二毛。湘潭歸夢遠。燕趙客程勞。露曉紅蘭重。雲晴碧樹高。逢秋正多感。萬里別同袍。

送李暝秀才西行

萬里不辭勞，寒裝疊縕袍。  
停卓山店雨，挂席海門濤。  
鷹勢力暮偏急，鶴聲秋更高。  
知君此却路，留劍血苗蒿。

送樓煩李別駕

琴清詩思勞，更欲學龍韶。  
王粲暫停筆，呂虔初佩刀。  
夜吟關月靜，秋望塞雲高。  
去去從軍樂，鵬飛獵馬豪。

杜集

崔駙馬山亭宴集

蕭史幽棲地，林間踏鳳毛。  
泐流何處入，亂石閉門高。

客醉揮金椀，詩成得繡袍。  
清秋多宴會，終日困香醪。

渡江

春江不可渡，二月已風濤。  
舟楫欹斜疾，魚龍偃卧高。  
渚花張素錦，汀草亂青袍。  
戲問垂綸客，悠悠見汝曹。

八月十五夜月

二首 其一

滿目飛明鏡，歸心折大刀。  
轉蓬行地遠，攀桂仰天高。  
水路疑霜雪，林棲見羽毛。  
此時瞻白兔，直欲數秋毫。

避地

避地歲時晚，竄身筋骨勞。  
詩書逐牆壁，奴僕且旌旄。

行在僅聞信此生隨所遭神童舊天下會見出腥臊

山寺

野寺殘僧少山園細路高麝香眠石竹鸚鵡啄金桃  
亂水通人過懸崖置屋牢上方重閣晚百里見纖毫

北鄰

明府豈辭滿藏身方告勞青錢買野竹白幘岸江臯  
愛酒晋山簡能詩何水曹時來訪老疾步履到蓬蒿

鷓鴣

故使籠寬織須知動損毛看雲莫悵望失水任呼號

六翮曾經剪孤飛卒未高且無鷹隼慮留滯暮鷲勞

收京 三首 其三

汗馬收宮闕春城鏖賊壕賞應歌杖杜歸及薦櫻桃  
雜虜橫戈數功臣甲第高萬方頻送喜無乃聖躬勞

題栢大兄第山君屋壁 二首 其一

叔父朱門貴郎君玉樹高山居精典籍文雅涉風騷  
江漢終吾老雲林得爾曹哀絃繞白雪未與俗人操

赴青城縣出成都寄陶王二少尹

老被樊籠役貧嗟出入幽客情投異縣詩態憶吾曹

東郭滄江合西山白雪高文章差底病迴首興滄滄

五言排律

類編

送柴司中出嶺外

高適

嶺外資雄鎮朝中寵節旌月卿臨幕府星使出詞曹  
海對羊城潤山連象群高風霜驅瘴癘忠信涉波濤  
別恨隨流水交情托寶刀有才無不適行矣莫徒勞

河岳英靈

追涼歷下古城西北隅北地有清泉喬木

盧象

謝眺出華省王祥貽佩刀前賢真可慕衰疾意空勞  
貞悔不自卜遊隨共爾曲日未能齊得喪時復誦離騷  
閑蔭七賢地醉食二士桃蒼苔唐舜井喬木古城壕  
漁父偏相狎堯年不可逃蟬鳴秋雨霽雲白曉山高  
咫尺傳雙鯉吹噓勿一毛故人皆得路誰肯念同袍

杜集

王閬州筵奉酬十一舅憶別之作

萬壑樹聲滿千崖秋氣高浮舟出郡郭別酒寄江濤

良會不復久此生何太勞窮愁但有骨群盜尚如毛  
吾舅惜分手使君寒贈袍沙頭暮黃鶴失侶亦哀號

千秋節有感其二

御氣雲樓敞含風綵仗高仙人張內樂王母獻宮桃  
羅鞵紅蕖豔金羈白雪毛舞階銜壽酒走索背秋毫  
聖主他年貴邊心此日勞桂江流向北滿眼送波濤  
臨邑舍弟書至苦雨黃河泛溢隄防之患  
簿領所憂因寄此詩用寬其意

二儀積風雨百谷漏波濤聞道黃河圻遙連滄海高

職司憂悄悄郡國訴教嗷舍弟早棲邑防川領簿曹  
尺書前日至版筆不時操難假黿鼉力空瞻烏鵲毛  
燕南吹畎畝濟上沒蓬蒿蝶蜂滿近郭蛟螭乘九臯  
余閑深水府碣石小秋毫白屋留孤樹青天失萬艘  
吾衰同泛梗利涉想蟠桃倚賴天涯釣猶能掣巨鰲  
喜聞官軍已臨賊境二十韻

胡虜潛京縣官軍擁賊壕鼎魚猶假息穴蟻欲何逃  
帳殿羅玄冕轅門照白袍秦山當警蹕漢苑入旌旄  
路失羊腸險雲橫雉尾高五原空壁壘八水散風濤

今日看天意遊魂貸爾曹乞降那更得尚詐莫徒勞  
元帥歸龍種司空握豹韜前軍蘇武節左將呂虔刀  
兵氣回飛鳥威聲沒巨鼇戈鋌開雪色弓矢向秋毫  
天步艱方盡時和運更遭誰云遺毒螫已是沃腥臊  
睿想丹墀近神行羽衛牢花門騰絕漠拓羯渡臨洮  
此輩感恩至羸俘何足操鋒光衣染血騎突劔吹毛  
喜覺都城動悲連子女號家家賣釵釧準擬獻香醪

七言絕句

正音

春宮曲

王昌齡

昨夜風開露井桃未央前殿月輪高  
平陽歌舞新寵簾外春寒賜錦袍

類編

送肖逸歸山

趙嘏

人間軒冕一鴻毛天上人情謾自勞  
脫却朝衣便東去青雲不似白雲高

李集

贈華州王司士



淮水不絕濤瀾高。盛德未泯生英髦。知君先負廟堂器。今日還須贈寶刀。

結襪子

燕南壯士吳門豪。筑甕置鉛魚隱刀。感君恩重許君命。太山一擲輕鴻毛。

杜集

戲為其三絕

縱使盧王操翰墨。劣於漢魏近風騷。龍文虎脊皆君馱。歷塊過都見爾曹。

從帝二明府續處覓綿竹三數叢

華軒謁謁他年到。綿竹亭亭出縣高。江上舍前無此物。幸分蒼翠拂波濤。

七言律詩

正音

登洛陽故城

許渾

禾黍離離半野蒿。昔人城此豈知勞。水聲東去市朝變。山勢北來宮殿高。鴉噪暮雲歸古堞。鴈迷寒雨下空壕。可憐綏嶺登仙子。猶自吹笙醉碧桃。

驪山一作望華清宮感事  
又鼓吹作途經驪山

聞說先皇醉碧桃日華  
動樽斟金袍風隨玉輦笙歌  
迥雲捲珠簾劍旂高鳳駕北歸春寂寂龍輿一作龍旗西  
幸水涵涵娥眉鼓吹作貴妃歿後巡遊少瓦落片墻見野  
高

鼓吹

夜宴觀妓

薛逢

燈火燐煌醉客豪捲簾羅綺艷仙桃纖腰怕束金蟬  
斷髮鬢空簪白燕高愁傍翠娥深八字笑迴丹臉利

雙刀無因得薦陽羨憂願拂餘香到緼袍

送丁道士歸南中

譚用之

孤雲無定鶴辭巢自看蕉桐不說勞服藥幾年期碧  
落驗符何處呪丹臺子陵山曉紅雲密青草湖平雪  
浪高從此人稀見縱跡還應選地種仙桃

古劍

鑄時天匠待英豪紫焰寒星匣倍牢三尺何年拂塵  
土四溟今日絕波濤雄應垓下收蛇陣滯想溪頭伴  
豹韜惜是真龍懶拋擲夜來衝斗氣何高

別洛下一二知己

金鼎光輝照雪袍  
洛陽春夢憶波濤  
塵埃滿眼人情異  
風雨前程馬足勞  
接塞娥眉通蜀險  
過山仙掌倚秦高  
別來無限幽求子  
應笑區區味六韜

途次宿友人別墅

千里崑函一夢勞  
豈知雲館共蕭騷  
半簾綠透偎寒竹  
一榻紅侵墜晚桃  
蠻酒客稀知味長  
蜀琴風定覺絃高  
感君岩下閑招隱  
細綫金盤鱸錯刀

送謝進士歸閩

章弼

百越風烟接巨壑  
還鄉心壯不知勞  
雷霆入地連溪險  
星斗逼人梨嶺高  
却擁木綿吟麗句  
使攀龍眼醉香醪  
名場声利喧喧在  
莫向林泉改髮毛

李宣自殿院銜命歸闕拜外郎

許渾

白筆南征變二毛  
越山愁瘴海驚濤  
纒歸龍尾含雞舌  
更立螭頭運兔毫  
閭闔欲開宮漏盡  
旻旒初坐御香高  
金吾舊侶君先貴  
魯憶王祥與佩刀

十二月拜起居拜回

一草西秦拜仙曹回馬天津北望勞寒水欲春冰彩  
薄晚山初霽雲峯高樓形向日攢飛鳳宮勢凌波壓  
林螯空鎖烟霞絕巡幸周人誰識鬱金袍

途中偶作

温庭筠

石踏荒唐接野蒿西風吹馬利如刀暮程投驛蕙蘭  
靜廢寺入門禾黍高雞犬夕陽喧縣市鳥驚秋木曝  
城壕故山有夢不歸去官樹陌塵何太勞

長安雜題

杜牧

雨晴九陌鋪江練嵐嫩千山疊海濤南苑草芳眠錦

雜夾城雲暖下霓旄少年霹靂絡青文王遊女花簪紫  
帶桃江碧柳深人盡醉一瓢顏巷日空高

光嶽英華

朝下寄韓舍人

耿滂

侍臣鳴珮出西曹鸞殿分階翊綵旄瑞氣迥浮青玉  
案日華遙上赤霜袍花間焰焰雲旂合鳥外亭亭露  
掌高肯念萬年芳樹葉隨風一葉在蓬蒿

杜員外兄示詩因作此寄上

嚴武

新詩海內流傳久，舊德朝中屬望勞。郡邑地卑饒霧雨，江湖天闊足風濤。松花酒熟傍看醉，蓮葉舟輕自學操。春興不知凡幾首，衡陽紙價頓能高。

類編

自蕭關望臨洮

王維

玉關西路出臨洮，風卷邊塵入馬毛。寺院中無竹，柳家家壁上有弓刀。惟憐戢士垂金甲，未尚遊人著白袍。深巷獨吟秋色裏，平原一望戍樓高。

寄高書記

劉兼

齊朝慶裔祖教曹，麟角無雙鳳九毛。聲價五侯爭辟命，文章一代振風騷。醉琴自寄陶家意，夢枕誰聽益郡刀。補袞應星曾奏舉，北山南海孰為高。

長安雜題

杜牧

觚稜金碧照山高，萬國珪璋捧赭袍。舐筆和鉛欺賈馬，贊公論道鄙蕭曹。東南樓日珠簾捲，西北天苑玉勒豪。四海一家無事日，將軍夢鏡泣霜毛。

杜集

詠懷古跡五首

其五

諸葛大名垂宇宙。宗臣遺像肅清高。三分割據紆籌策。萬古雲霄一羽毛。伯仲之間見伊呂。指揮若定失蕭曹。運移漢祚終難復。志決身殲軍務勞。

奉和賈至舍人早朝大明宮

五夜漏聲催曉箭。九重春色醉仙桃。旌旗日暖龍蛇動。宮殿風微燕雀高。朝罷香煙撲滿袖。詩成珠玉在揮毫。欲知世掌絲綸美。池上于今有鳳毛。

韓集

奉和庫部盧四兄曹長元日朝迴

天仗宵嚴建建或作樹羽旌。春雲送色曉鷄鳴。金爐香動螭頭暗。玉佩聲來雉尾高。戎服上趨承北極。儒冠列侍映東曹。太平時節難身遇。卽署何須歎二毛。

五歌

五言絕句

正音

洛陽道作獻呂四卽中

儲光羲

大道正如髮。春日佳氣多。五陵貴公子。双双鳴玉珂。

遺響

題竹林寺

朱放

歲月人間促烟霞此地多  
殷懃竹林寺更得幾回過

馬詩

李賀

汗血到王家隨鸞撼玉珂  
少君騎海上人見是青驪

思君恩

令狐楚

小苑鶯歌歇長門蝶舞多  
眼看春又去翠華不曾過

李集

塞上曲

三首  
其三

轉戰渡黃河休兵樂事多  
雨條清萬里瀚海寂無波

杜集

絕句

六首  
其二

藹藹花葉亂飛飛蜂蝶多  
幽棲身懶動客至欲如何

復愁

十二首  
其三

萬國尚戎馬故園今若何  
昔歸相識少早已戰場多

韓集

月臺

南館城陰闊東湖水氣多  
直須臺上看始柰月明何

酬馬侍郎寄酒

一壺情所寄四句意能多秋到無詩酒其如月色何  
五言律詩

始音

送鄭州周司空

楊炯

漢國臨清渭京城枕蜀河  
居人下珠淚賓御促驪歌  
望極関山遠秋深烟霧多  
唯餘三五夕明月暫經過

登高臺

回中道路嶮蕭関烽候多  
五營屯右地萬乘出西河  
單于拜玉璽天子按琯戈  
振旅汾川曲秋風橫大歌

正音

送汾城王主簿

韋應物

少年初帶印汾上又經過  
芳草歸時徧情人故郡多  
禁鐘春雨細宮樹野烟和  
相望東橋別微風起夕波

送李將軍赴鄧州

郎士元

雙旌漢飛將萬里獨橫戈  
春色臨関蓋黃雲出塞多  
鼓鼙悲絶漠烽戍隔長河  
想到陰山北天驕已請和

從岐王過楊氏別業

王維

揚子談經處淮王載酒過  
興闌啼鳥繞坐久落花多



徑轉迴銀燭林開散玉珂嚴城時未啓前路擁笙歌  
同崔貞外秋宵過直

建禮高秋夜承明候曉過九門寒漏徹萬井曙鐘多  
月迥藏珠斗雲消出絳河更慙衰朽質南陌共鳴珂

送韓司直

皇甫冉

遊吳還適越來往任風波復送王孫去其如芳草何  
岸明殘雪在潮滿夕陽多季子留遺廟停舟試一過

三體

息山寺

張祐

舊宅人何在空門客自過泉声到池盡山色上樓多  
小洞穿斜竹重堦夾細莎殷勤望城市雲外暮鍾和  
勝果寺 僧處默

路自中峰上盤回出薜蘿到江吳地盡隔岸越山多  
古木叢青靄遙天浸白波下方城郭近鍾磬雜笙歌

宣州使院留別韋應物

劉長卿

白雲垂始顛滄海有微波戀舊爭趨府臨危欲負戈  
春歸花殿暗秋傍竹房多耐可機心息其如羽檄何  
夏夜西亭即事 耿滯

高亭賓客散暑夜醉相和細汗疑衣集微涼待菊過  
風還池色定月晚樹陰多遙想隨行者珊珊動曉珂

早秋

許渾

遙夜泛清瑟西風生翠蘿殘螢栖玉露早鴈拂金河  
高樹曉還密遠山晴更多淮南一葉下有覺洞庭波

廣陵道中

他勢已坡陀城邊東逝波綠桑非苑樹青草是宮莎  
山暝牛羊水寒鳧鷖多因高一回首還詠黍離歌

送前緱氏常明府南游

酒闌橫劔歌日暮望關河道直去官早家貧為客多  
山昏函谷兩木落洞庭波莫盡遠遊興故園荒薜蘿

趙慈和寺移宴

高寺移清宴漁舟繫綠蘿湖平秋水闊雲歛暮山多  
廣檻停簫鼓繁絃散綺羅西樓半牀月莫問夜如何

江樓夜別

離別奈情何江樓凝艷歌蕙蘭秋露重層巒夜風多  
深怨寄清瑟遠愁生翠蛾酒酣相顧起明月掉寒波

潼關蘭若

往來幾經過前軒枕大何遠帆春水闊高寺夕陽多  
蝶影下紅藥鳥聲喧綠蘿故山歸未得徒詠採芝歌

春望思舊游

適意極春自南臺披薜蘿花光晴漾漾山色畫峨峨  
湘水美人遠信陵豪客多唯憑一瓢酒彈瑟縱高歌

正聲

夏日仙萼亭應制

宋之問

高嶺逼星河乘輿此日過野合時雨潤山雜夏雲多  
睿藻光岩穴宸禁洽薜蘿依然小天下歸路滿笙歌

旅宿淮陽亭口號

日暮風亭上悠悠旅思多故鄉臨桂水今夜渺星河  
暗草霜華發空庭鴈影過與來誰與語勞者自為歌

類編

送洪州李別駕之任

郎士元

南去秋天遠孤舟興自多能將流水引更入洞庭波  
夏口帆初上潯陽鴈正過知音在霄漢佐郡豈蹉跎

邠州留別

耿緯

終歲山川路生涯竟若何艱難為客慣貧賤受息多

暮角飄殘韻寒流起夕波懸愁茂陵宅喜色又相遇

送陸即中

錢起

事邊仍恋主舉酒復悲歌粉署含香別轅門載筆過  
鶯聲出漢苑柳色過漳河相憶情難盡離居春草多  
浮舟過陳逸入別業

孟浩然

水亭涼氣多閑棹晚來過澗影見藤竹潭香聞芰荷

野童扶醉舞山鳥嘆酣歌幽賞未云徧烟光奈夕何

奉陪常潤州遊鶴林寺

李嘉祐

野寺江城近雙旌五馬過禪心超忍辱梵語問多羅

松竹閑僧老雲烟晚日和寒塘歸路轉清磬隔微波

李集

金陵三首其三

六代興亡國三杯為爾歌苑方秦也少一作山似洛  
陽多古殿吳花草深宮罽羅併隨入事滅東遊與  
滄波

宮中行樂詞八首其四

玉樹春歸月金宮樂事多後庭朝未入輕輦夜相過  
笑出花間語嬌來竹下歌莫教明月去留著醉嫦娥

杜集

月下呈章秀才

自古悲搖落誰家柰此何  
夜虫偏傍井高鳥數移柯  
向老三年謫當秋有戚多  
家貧唯有月空媿子猷過

暮寒

霧隱平郊樹風含廣岸波  
沉沉春色靜慘慘暮寒多  
戍鼓猶長繫林鶯遠不歌  
忽思高宴會失袖拂雲和

泛江

方舟不用楫極目認無波  
長日容盃酒滌紅淨綺羅

亂離還奏樂飄泊且聽歌  
故國流清渭如今花正多

征夫

十室幾人在千山室自多  
路衢唯見哭城市不聞歌  
漂梗無安地銜枚有荷戈  
官軍未通蜀吾道竟如何

章梓州水亭

城晚通雲霧亭深到芰荷  
吏人橋外少秋水帝邊  
石邊多近屬淮王至高門  
薊子過荊州愛山簡吾醉  
亦長歌

舟前小鵝兒

鵝兒黃似酒對酒愛新鵝引頸嗔船逼無行亂眼多  
翅開遭宿雨力小困滄波客散層城暮狐狸柰若何

懷錦水居上

軍旅西征僻風塵戰伐多猶聞蜀父老不忘舜謳歌  
天險終難立柴門豈重過朝朝巫峽水遠逗錦江波

將曉二首  
其二

軍吏回官燭舟人自楚歌寒沙蒙薄霧落月去清波  
壯惜身名晚衰慙應接多歸朝白簪勞筋力定如何

秋日寄題鄭監湖上亭

新作湖邊宅還聞賓客過自須開竹徑誰道避雲蘿  
官序潘生拙才名賈誼多捨舟應地鄰接意如何

江梅

梅蕊臘前破梅花年後多絕知春早最柰客愁何  
雪樹元同色江風亦自波故園不可見巫岫鬱嵯峨  
暮春過鄭監湖亭泛舟得過字

海內文章伯湖邊意緒多玉樽移晚興桂楫帶酣歌  
春日繁魚鳥江天足芰荷鄭莊賓客地衰白遠來過

觀兵

北庭送壯士貔虎數尤多精銳舊無敵邊隅今若何  
妖氛擁白馬元帥待彫戈莫守鄴城下斬鯨遼海波

過宋員外之問舊莊

宋公舊池館零落首陽阿枉道祇從入吟詩許更過  
淹留問耆老寂寞向山河更識將軍樹悲風日暮多

寓目

一縣蒲萄熟秋山首宿多閑雲常帶雨寒木不成河  
羌女輕烽燧胡兒制駱駝自傷遲暮眼喪亂飽饑

兼護

摧折不自守秋風吹若何暫時花載一作帶雪幾處葉

波體弱春苗早叢長夜露多江湖後搖落亦恐歲

陀

日暮

日落風亦起城頭烏尾訛黃雲高未動白水已揚波  
羌婦語還哭胡兒行且歌將軍別上一作換馬夜出擁

彫戈

陪鄭廣文遊何將軍山林共十首

出意忽不愜婦期無奈何出門流水住回首白雲多

自笑燈前舞。誰憐醉後歌。祗應與朋好。風雨亦未過。  
寄高三十五書記

歎息高生為新詩。日又多美名人不及。佳句法如何。  
主將收才子。空峒足凱歌。聞君已朱紱。且得慰蹉跎。  
白水明府舅宅喜雨得過字

吾舅政如此。古人誰復過。碧山晴又濕。白水雨偏多。  
精禱既不昧。歡娛將謂何。湯年旱頗甚。今日醉弦歌。

春宿左者

花隱掖垣暮。啾啾棲鳥過。星臨萬戶動。月傍九霄多。

不寢聽金鑰。因風想玉珂。明朝有封事。數問夜如何。

天末懷李白

涼風起天末。君子意如何。鴻雁幾時到。江湖秋水多。  
文章憎命達。魑魅喜人過。應共冤魂語。投詩贈汨羅。

惡樹

獨遠虛齋。徑常持小斧。柯幽陰成。頗雜惡木。煎還多。  
枸杞固吾有。雞棲奈汝何。方知不材者。生長謾婆娑。

梔子

梔子比衆木。人間誠未多。於身色有用。與道氣傷和。



紅取風霜實青看雨露柯無情移得汝貴在映江波

散愁二首其一

又客宜旋旆興王未息戈蜀星陰見少江雨夜聞多  
百萬轉一本作傳深入寰區望匪他司徒下燕趙收取舊

山河

佐還山後寄三首其三

幾道泉澆圃交橫落慢坡歲蕤秋葉少隱映野雲多  
滿沼連香芰通林帶女蘿甚聞霜雉白重惠意如何

五言排律

遺響

西溪

李商隱

悵望西溪水瀟淩柰爾何不驚春物少只覺夕陽多  
色染妖燒柳光含窈窕羅人間從到海天上莫為河  
鳳女彈瑤瑟龍孫撼玉珂京華他夜夢好好寄雲波

正聲

晨自行徑至龍興寺崇隱上人院

許渾

佛寺通南徑僧堂倚北坡藤陰迷暗竹苔滑仰晴沙

病憶春前別，閑宜雨後過。石橫聞水遠，林缺見山多。  
欲結三天社，初降十地魔。素龍來有窟，靈鶴去無窠。  
客路隨萍梗，鄉園失薜蘿。禪心如可學，不藉魯陽戈。

類編

春日奉獻聖壽無疆詞十首 楊巨源

睿德符玄化，芳情翊太和。日輪皇鑒遠，天仗聖朝多。  
曙色含金榜，晴光轉玉珂。中宮宣廣樂，元老進虞歌。  
蓮葉看龜上，桐花識鳳過。小丞空擊壤，滄海是恩波。

題裴式微東齋亭

劉長卿

世事終成夢，生涯半欲過。白雲心已矣，滄海意如何。  
藜杖全吾道，榴花養太和。春風騎馬醉，江月釣魚歌。  
散帖看虫蠹，開門見雀羅。遠山終日在，芳草傍人多。  
吏體莊生傲，方言楚俗訛。屈平君莫弔，腸斷洞庭波。

陪盧明府泛舟回

孟浩然

百里行春返，清流逸興多。鷁舟隨鴈沒，江火共星羅。  
一畝田家旱，仍憂俗化訛。文章推後輩，風雅激頽波。  
高岸迷陵谷，新聲滿棹歌。猶憐不調者，白首未登科。

杜集

傷春五首

聞說初東幸孤兒却走多難分太倉粟競棄魯陽戈  
胡虜登前殿王公出御河得無中夜舞誰憶大風歌  
春色生烽燧幽人泣薜蘿君臣重脩德猶足見時和

湖南送敬十使君適廣陵

相見各頭白其如離別何幾年一會面今日復悲歌  
少壯樂難得歲寒心匪他氣纏霜匣滿冰置玉壺多  
遭亂實漂泊濟時曾琢磨形容吾較老膽力爾惟過  
秋晚岳增翠風高湖湧波騫騰訪知已淮海莫蹉跎

七言絕句

正音

聽舊宮人穆氏歌

劉禹錫

曾隨織女渡天河記得雲間第一歌休唱貞元供奉  
曲當時朝士已無多

採蓮曲

賀知章

稽山罷霧鬱嵯峨鏡水無風也自波莫言春度芳菲  
盡別有中流採菱荷

咸陽

杜牧

咸陽宮闕鬱嵯峨六國樓臺艷綺羅自是當時天帝  
醉不關秦地有山河

同金壇令武平一退朝遊湖 儲光羲

朝來仙閣聽絃歌暝入花亭見綺羅池邊命酒憐風  
月浦口還船惜菱荷

贈崔九 劉長卿

憐君一見一悲歌歲歲無如老去何白屋漸看秋草  
沒青雲莫道故人多

閒行 張籍

老身不計人間事野樹秋晴每獨過病眼較來猶斷  
酒却嫌行處菊花多

宮中詞 王建

魚藻宮中鎖翠娥先皇行處不曾過如今池底休鋪  
錦菱角鷄頭積漸多

遺響

堤上行 王涯

江南江北望烟波入夜行人相應歌桃葉傳情竹枝  
怨水流無限月明多

經汾陽舊宅

趙嘏

門前不改舊山河，破虜曾經馬伏波。今日獨經歌舞地，古槐疎冷夕陽多。

宛陵館冬青樹

趙嘏

碧樹如烟覆晚波，清秋欲盡客重過。故園亦有如烟樹，鴻雁不來風雨多。

正聲

七里灘送嚴維

劉長卿

秋江渺渺水空波，越客孤舟欲傍歌。手拆衰楊悲老

大故人零落已無多

宮詞

顧況

玉樓天半起笙歌，風送宮嬪笑語和。月殿影開閨夜漏，水晶簾捲近秋河。

臨潯沱見蕃使列名

李益

漠南春色到潯沱，邊柳青青塞馬多。萬里江山今不閉，漢家頻許郅支和。

贈少年

温廷筠

江海相逢客恨多，秋風葉下洞庭波。酒酣夜別淮陰

市月照高樓一曲歌

李集

送賀賓客歸越

鏡湖流水漾清波狂客歸舟逸興多山陰道士如相見應寫黃庭換白鵝

杜集

少年行

巢燕卷雛渾去盡江花結子也無多黃衫年少來宜數不見堂前東逝波

喜聞盜賊蕃寇摠退口號五首其四

勃律天西采玉河堅昆碧盃最來多舊隨漢使千堆寶少答胡王萬匹羅

承聞河北諸道節度入朝歡喜口號十二首其九

東逾遼水北溱洧星象風雲喜色和紫氣闕臨天地闊黃金臺貯俊賢多

韓集

湘中

猿愁魚踊躍作水翻波自古流傳是汨羅蘋藻滿盤

或作船 無處真空聞漁父叩舷或作歌

聞梨花發贈劉師命

挑蹊或作惆悵不能過紅艷紛紛落地多聞道郭西  
千樹雪欲將君去醉如何

七言律詩

正音

送魏萬之京

李頎

朝聞遊子唱離歌昨夜微霜初渡河鴻雁不堪愁裏  
聽雲山況是客中過關城曙色催寒近御苑砧聲向

晚多莫是長安行樂處空令歲月易蹉跎

三月三日李明府後庭泛舟

劉長卿鼓吹作皇甫冉

江南風景一作作復如何聞道新亭更欲過一作作處處

執蘭春浦綠萋萋藉草遠山多盡觴須就陶彭澤時

俗一作作猶傳晉永和更使輕撓隨轉去一作作撓一作作徐轉去

微風落日水增波

遺響

和樂天早春見寄

元稹

雨香雲淡覺微和。誰送春聲入棹歌。萱近北堂穿土  
早柳偏東面。受風多。湖添水色消殘雪。江送潮頭湧  
漫波。同受新年不同賞。無由縮地欲如何。

三體

聞歌

李商隱

歛笑凝眸意欲歌。高雲不動碧嵯峨。銅臺罷望歸何  
處。玉輦忘來事幾多。青塚路邊南鴈盡。細腰宮裏北  
人過。此聲腸斷非今日。香炷燈光奈爾何。  
炷因者切  
燭畫也  
畫才造切  
火之餘也

鼓吹

送孔巢父赴河南軍

皇甫冉

江城相送阻烟波。况復新秋一鴈過。聞道全師征北  
虜。更言諸將會南河。邊心杳杳鄉人絕。塞草青青戰  
馬多。共許陳琳工奏記。知君名宦未蹉跎。

經煬帝行宮

劉滄

此地曾經翠輦過。浮雲流水竟如何。香消南國美人  
盡。怨入東風芳草多。殘柳宮前空露葉。夕陽江山浩  
烟波。行人遙起廣陵思。古渡月明聞棹歌。



題靈雲寺

司空曙

春山古寺遶烟波石磴盤空鳥首過  
百丈金身開翠壁萬龕燈焰隔烟籬  
雲生客到侵衣濕花落僧禪覆地多  
不與方袍同結足下歸塵世竟如何

春日偶成

温廷筠

西園一曲艷陽歌擾擾車塵負薜蘿  
自欲放懷猶未得不知經世竟如何  
夜聞猛雨判花盡寒戀重衾覺夢多  
釣渚別來應更好春風還為起微波

幽居寄李秘書

譚用之

幾年帝里阻烟波敢向明時叩角歌  
看盡好花春卧穩醉殘紅日夜吟多  
印開夕照墜楊柳盡破寒潭老菱荷  
昨夜前溪有龍鬪石橋風雨少人過

山中春晚寄賈負外

不隨黃鶴起烟波應笑無成返薜蘿  
看盡好花春卧穩醉殘紅日夜吟多  
高添雅興松千尺暗養清陰竹數科  
珍重仙曹舊知己往來星騎一相過

陳疾

司空圖

自憐旅舍亦酣歌世路無幾柰爾何  
霄漢逼來心不

動髮毛白盡與猶多殘陽暫照鄉閨近遠鳥因投嶽  
廟過閑得此身歸未得磬聲深夏隔烟蘿

浙上二首  
其一

華下支離已隔河又來此地遮干戈山田漸廣猿頭  
到村舍新添燕亦多丹桂石楠宜並長春雲楚雨暗  
相和兒童粟熟迷歸逐歸得仍隨牧豎歌

洛水

羅鄴

一道潺湲淺暖莎年年惆悵是春過莫言行路路一作客  
聽如此流入深宮恨更多橋畔月來清見底柳邊風

去綠生波縱然滿眼添歸思未把漁竿奈爾何

正聲

河中鶴雀樓

張喬

高樓懷古動悲歌鶴雀今無野燕過樹隔五陵秋色  
早水連三晉夕陽多漁人遺火成寒燒牧笛吹風起  
夜波十載重來值搖落天涯歸計欲如何

詩選

上人自巴蜀由湘潭歸茅山因贈

許渾

太一靈方鍊紫荷。紫荷飛盡髮皤皤。猿啼巫峽曉雲  
薄。鴈宿洞庭秋月多。道引豈如桃葉舞。步虛寧比竹  
枝歌。華陽舊隱莫歸去。水沒芝田生綠莎。

聞州中有讌寄大夫兼簡刑群評事

簫管筵間列翠娥。玉盃金液耀金波。池邊雨過飄羅  
幕。海上風來動綺羅。顏子巷深青草遍。庾君樓迥碧  
山多。甘心不及同年友。卧聽行雲一曲歌。

韶州韶陽樓夜讌

待月西樓捲翠羅。玉盃瑤瑟近星河。簾前碧樹窮秋

密密外青山。薄暮多鸚鵡。未知狂客醉。鷓鴣先讓羨  
人歌。使君莫惜通宵飲。刀筆初從馬伏波。

戲代李協律松江有贈

蜀客操琴吳女歌。明珠千斛是天河。霜凝薜荔怯秋  
樹。露滴芙蓉愁晚波。蘭浦遠鄉應解佩。柳隄殘月未  
鳴珂。西樓沉醉不知散。潮落洞庭洲渚多。

鄭秀才東歸憑達家書

欲寄家書少客過。閉門心遠洞庭波。兩岩花落夜風  
急。一徑草荒春雨多。愁泛楚江吟浩渺。憶歸吳岫夢

嵯峨省居不問應知處溪上閑船繫綠蘿

春日郊園戲贈楊敬評事

萬里無段入薜蘿春風誰許暫鳴珂相如渴後狂還  
減曼倩飢來語更多門枕碧溪水浩耀檻齊青嶂雪  
嵯峨野橋沽酒茅簷醉誰羨江樓一曲歌  
將度故城湖阻風夜泊永陽戍  
行盡清溪日已蹉雲容山影水嵯峨枕前歸客怨清  
夢樓上美人疑夜歌獨樹高高風勢急平湖渺渺月  
明多終期一艇載樵去來徃使帆凌白波

鄭侍御廳翫鶴

碧天飛舞下晴莎金閣瑤池絕網羅  
品響數聲風滿樹岸移孤影雪凌波  
緱山去遠雲霄迫遼海歸遲歲月多  
雙翅亦開千萬里祇應棲隱恋喬柯

贈茅山高拾遺

諫獵歸來綺季歌大茅峯影滿秋波  
山齋留客掃紅葉野艇送僧披綠莎  
長覆舊圖碁勢盡遍添新品藥  
名多雲中黃鶴日千里自宿自飛無網羅

長安歲暮

會紀卷八  
獨望天門倚劔歌干時無計老關河東歸萬里慙張  
翰西上四年羞卞和花暗楚城春醉少月涼秦塞夜  
愁多三山歲歲有人去唯恐海風生白波

姑蘇懷古

宮館餘基輟棹過黍苗無限獨愁歌荒臺麋鹿爭新  
草空苑鳧鷖占淺莎吳岫雨來虛檻冷楚江風急遠  
帆多可憐國破忠臣死日日東流生白波

上裴中丞

楊巨源

六年西掖弘湯詒三捷東堂摠漢科政引風霜成物

色語回天地到陽和清威更助朝端重聖澤曾隨筆  
下多應笑白鬚揚執戟可憐春日老如何

送孔恂入洛

司馬禮

洛陽古城秋色多送君此去心如何青山欲暮惜別  
淚碧草未盡復離歌前朝冠帶掩金谷舊遊花月經  
銅駝行人正苦柰分手落日遠水生微波

北歸入至德界偶逢洛陽隣家李光

劉長卿

生涯心事已蹉跎舊路依然此重過近北始知黃葉

落向南空見白雲多。炎洲日日人將老。寒渚年年水自波。華髮相逢俱若夢。故園秋草復如何。

詠淚

李商隱

永巷長年怨綺羅。離情終日思風波。湘江竹上痕無限。峴首碑前酒幾多。人去紫臺秋入塞。兵殘楚帳夜聞歌。朝來灞水橋邊問。未抵青袍送玉珂。

類編

過揚州

韋莊

當年人未識。干戈處處青樓。夜夜歌花發。洞中春日

永月明衣上好風多。淮王去後無鷄犬。煬帝歸來葵綺羅。二十四橋俱寂寞。綠楊摧折舊官河。

宥罪復官東新除使君

王維

忽蒙漢詔還官冕。始覺殷王解網羅。日北皇朝猶自暗。天齊聖壽未云多。花迎喜氣皆知笑。鳥識歡心亦解歌。聞道百城新佩印。還來雙闕共鳴珂。

杜集

奉寄高常侍

汶上相逢年頗多。飛騰無奈故人何。總戎楚蜀應全

未方駕曹劉不啻過今日朝廷須汲黯中原將帥憶  
庶頗天涯春色催遲暮別淚遙添錦水波

奉寄別馬巴州

勲業終歸馬伏波功曹非復漢蕭何扁舟繫纜沙邊  
久南國浮雲水上多獨把魚竿終遠去難隨鳥翼一  
相過知君未愛春湖色興在驪駒白玉珂

峽中覽物

曾為掾吏趨三輔憶在潼關詩興多巫峽忽如瞻華  
嶽蜀江猶似見黃河舟中得病移衾枕洞口經春長

游鱗形勝有餘風土惡幾時回首一高歌

六麻

五言絕句

正音

秋怨

皇甫曾

長信多秋色昭陽借月華那堪閑永巷聞道選良家

詠花與衛象同醉

司空曙

衰髮千莖雪他鄉一樹花今朝與君醉忘却在長沙

梅谿

張籍

自愛新梅好行尋一徑斜不教人掃石恐損落來花

遺響

後軍行

孤心眠夜雪滿眼是秋沙萬里猶防寒三年不見家

碧澗驛曉思

温廷筠

香燈伴殘夢楚國在天涯月落子規歇滿庭山杏花

正聲

逢俠者

錢起

燕趙悲歌士相逢劇孟家寸心言不盡前路日將斜

玉臺體

權德輿

秋風一夜至吹盡後庭花莫作經時別西隣是宋家

李集

秋浦歌十七首其六

秋作秋浦客強看秋浦花山川如剡縣風日似長沙

憶東山二首其一

不到東山久薔薇幾度花白雲還自散明月落誰家

杜集

絕句六首其六



江動月移石溪虛雲傍花鳥樓知故道帆過宿誰家

復愁十二首

今日翔麟馬先宜駕鼓車無夢問河北諸將角榮華

復愁其十一

每恨陶彭澤無錢對菊花如今九日至自覺酒須賒

韓集

朝少年

直把春償酒都將命乞花祇知閑信馬不覺誤隨車

五言律詩

始音

送豐城王少府

楊炯

愁結亂如麻長天照落霞離亭隱喬樹溝水浸平沙  
左尉才何屈東閔望漸賒行看轉牛斗持此報張華

送湯處士及初卜居曲江

鴈門歸去遠垂老脫袈裟蕭寺休為客曹溪便寄家  
綠琪千歲樹黃槿四時花別怨應無限門前桂水斜

正音

過故人莊

孟浩然

故人具雞黍邀我至田家  
綠樹村邊合青山郭外斜  
開軒面場圃把酒話桑麻  
待到重陽日還來就菊花

晚春為嚴少尹諸公見過

王維

松菊荒三徑圖書共五車  
烹葵邀上客看竹到貧家  
雀乳先春草鶯啼過落花  
自憐黃髮暮一倍惜年華

宿江店

張籍

野店臨江浦門前有橘花  
停燈待賈客賣酒與漁家  
夜靜江水白路迴山月斜  
閒尋泊船處潮落見平沙

山中贈日南僧

獨向雙峯老松門閉兩涯  
翻經上蕉葉掛衲落藤花  
甃石新開井穿林自種茶  
時逢海南客蠻語問誰家

送仁弟戴玄往蘇州

張籍

楊柳閭門路悠悠水岸斜  
乘舟向山寺著屐到漁家  
夜月紅柑樹秋風白藕花  
江天詩景好迴日莫令賒

三體

送人尉黔中

周繇

盤山行幾驛水路復通巴  
峽漲三川雪園開四季花  
公庭飛白鳥官俸請丹砂  
知慰黔人後高吟採物華

江行

李咸用

瀟湘無事後，征棹復嘔啞。  
高岫留殘照，歸鴻背落霞。  
魚依沙岸草，蝶寄汙流槎。  
共說干戈苦，汀洲減釣家。

尋陸羽不遇

僧皎然

移家雖帶郭，野徑入桑麻。  
近種籬邊菊，秋來未去花。  
扣門無犬吠，欲去問西家。  
報道山中看，歸來每日斜。

獻白笋

許渾

醉舞任生涯，褐寬烏帽斜。  
庾公先在那，疏傳早還家。  
林晚鳥爭樹，園春蝶護花。  
高吟應更逸，嵩洛舊烟霞。

送客江行

蕭蕭蘆荻花，郢客獨辭家。  
遠棹依山響，危檣轉浦斜。  
水寒澄淺石，潮落漲虛沙。  
莫與征徒望，鄉園去漸賒。

灞東題司馬郊園

楚菊秦萸佳，昔事李輕車。  
白社貧思橘，青門老種瓜。  
讀書三迓草，沽酒一籬花。  
更欲尋芝木，商山使寄家。

下第寓居崇聖寺感事

懷玉泣京華，舊山歸路賒。  
靜依禪客院，幽學野人家。  
林晚鳥爭樹，園春蝶護花。  
東門有閑地，誰種邵平瓜。

春日題韋曲野老村舍

逸屋遍桑麻村南第一家  
林繁樹勢直溪轉水紋斜  
竹院書看菊藥欄春賣花  
故園歸未得到此是天涯

旅懷

征車何軋軋南極天涯孤枕易為客  
遠書難到家鄉連雲外樹城閉  
月中花猶有扁舟思前年別若耶

正聲

侍宴甘露殿

李嶠

月宇臨丹地雲窓網碧紗  
御筵陳桂醕天酒酌榴花

水向浮橋直城連禁苑斜  
承恩忘歡賞歸路滿烟霞

類編

送韋司直使吳

張參父

使君方擁傳王事遠辭家  
峩澤逢殘雪新豐過落花  
水萍千葉散風柳萬條斜  
何處看離恨春江無限沙

河岳英靈

送儲十二還莊城

蔡旻潛

西坂何縉繞青林問子家  
天寒噪野雀日晚度城鴉  
寂歷道傍柳臙臙原上霞  
茲情不可說長恨隱淪賒

若耶溪逢孔九

蔡母潛

相逢此溪曲勝託在烟霞潭影竹裏動崑陰蒼際料  
人言上皇代大吠武陵家借問淹留日春風滿若耶

李集

宴陶家亭子

曲巷幽人宅高門大士家池開照膽鏡林吐破顏花  
綠水裁春日青軒秘晚霞若聞絃管妙金谷不能誇

塞下曲其五

塞虜乘秋下天兵出漢家將軍分虎竹戰士卧龍沙

邊月隨弓影胡霜拂劍花玉關殊未入少婦莫長嗟

早望海霞邊

四明三千里潮起赤城霞日出紅光散分輝照雪崖  
一食嘔瓊液五內發金沙舉手何所待青龍白虎車

杜集

陪王侍御宴通泉東山野亭

江水東流去清樽日復斜異方同宴賞何處是京華  
亭景臨山水村烟對浦沙狂歌遇形勝得醉即為家

遠遊

賤子何人託迷方。著處家竹風連野色。江沫擁春沙。  
種藥扶衰病。吟詩解嘆嗟。似聞胡騎走。失喜閉京華。

花底

紫萼扶千朵。黃鬚照萬花。忽疑行暮雨。何事入朝霞。  
恐是潘安縣。堪留衛玠車。深知好顏色。莫作委泥沙。

禹廟

禹廟空山裏。秋風落日斜。荒庭垂橘柚。古屋畫龍蛇。  
雲氣生虛壁。江聲走白沙。早知乘四載。疏鑿控三巴。

暮春題灤西新賃草屋

五首其四

壯年學書劍。他日委泥沙。事主非無祿。浮生即有涯。  
高齋依藥餌。絕域改春華。喪亂丹心破。王臣未一家。

溪上

峽內淹留客。溪邊四五家。古苔生北砌。枯地秋竹隱。  
疎花塞俗人。無井山田飯。有沙西江使。船至時復問。  
京華

季秋蘇五弟纓江樓夜宴崔十三評事韋

少府姓其二

明月生長好。浮雲薄漸遮。悠悠照邊塞。悄悄憶京華。

清動盃中物，高隨海上槎。不眠瞻白兔，百過落烏紗。

小園

由來巫峽水，本自楚人家。客病留因藥，春深貢為花。秋庭風落果，漾岸雨頽沙。問俗營寒事，將詩待物華。

遺懷

愁眼看霜露，寒城菊自花。天風隨斷柳，客淚墮清笳。水靜樓陰直，山昏塞日斜。夜來啼鳥盡，啼殺後樓鴉。

水檻遺心

其二首

去郭軒楹敞，無村眺望賒。澄江平少岸，幽樹晚多花。

細雨魚兒出，微風燕子斜。城中十萬戶，此地兩三家。

杜位宅守歲

守歲阿戎<sup>作戎或咸</sup>家，掛盤已頌花。蠶簪喧杼杵，列炬散

林鴉。四十明朝過，飛騰暮景斜。誰能更拘束，爛醉是生涯。

陪鄭廣文遊何將軍山林<sup>十首</sup>

旁舍連高竹，疎籬帶晚花。碾渦深沒馬，藤蔓曲截蛇。詞賦工無益，山林跡未賒。盡捨書籍賣，來問爾東家。

秦州雜詩<sup>二十首</sup>其二

州圖領回谷驛道出流沙降虜兼千帳居人有萬家  
馬驕朱汗落胡舞白題斜年少臨兆子西來亦自誇

秦州雜詩其十三

傳道東柯谷深巖數十家對門藤蓋瓦九映竹水  
穿沙瘦地翻宜粟陽坡可種瓜船人相近報但恐失  
桃花

草堂即事

荒村建子月獨樹老夫家雪裏江船渡風前筵竹斜  
寒魚依密藻宿鷺起圓沙蜀酒禁愁得無錢何處賒

為農

錦里烟塵外江村八九家圓荷浮小葉細麥落輕花  
卜宅後茲老為農去國賒遠慚勾漏令不得問丹砂

遣意其二首

簷影微微落津流脉脉斜野船明細火宿鴈起圓沙  
雲掩初弦月香傳小樹花鄰人有美酒稚子也能賒

過洞庭湖

鮫室園青草龍堆隱白沙護堤盤古木迎棹舞神鴉  
破浪南風正回檣回檣一作歸舟畏日斜湖光與天遠直欲



泛仙槎

對雪

北雪犯長沙胡雲冷萬家隨風且開葉帶雨不成花  
金錯囊徒罄銀壺酒未賒無人竭浮蟻有待至昏鴉  
官亭夕坐戲簡類十少府

南國調寒杵西江浸日車客愁連蟋蟀亭古帶兼諺  
不返青絲鞵虛澆夜燭花老翁須地主細細兩雲霞  
祠南夕望

百丈牽江色孤舟泛日斜典來猶杖屨目斷更雲沙

山鬼迷春竹湘娥倚暮花湖南清絕地萬古一長嗟

入喬口

漠漠舊京遠遲遲歸路賒殘年傍水國落日對春華  
樹密早蜂亂江泥輕燕斜賈生骨已朽悽惻近長沙

韓集

獨釣釣或作酌

四首其二

一逕向池斜池塘野草花雨多添柳耳水長減蒲芽  
坐厭親刑柄偷來傍釣車太平公事少吏隱詎相賒

五言排律

正音

登慈持寺塔

孟浩然

半空躋宝塔晴望盡京華竹遶渭川遍山連上苑斜  
四門開帝宅阡陌俯人家累劫從初地為童憶聚沙  
坐覺諸天近空香送落花

奉和聖製幸玉霄公主山莊因題石壁十

韻之作應制

王維

碧落風烟外瑤臺道路賒如何連帝苑別自有仙家  
北地迴鷹鷲綠谿轉翠華洞中開日月窓裏發雲霞

處養冲天鶴谿流上漢查種田生白玉泥竈化丹砂  
谷靜泉逾響山深日易斜御羹和石髓香飯進胡麻  
火道今無外長生詎有涯還瞻九霄上來往五雲車

杜集

春婦

苔暎臨江竹茅簷覆地花別來頻甲子婦到忽春華  
倚杖看孤石傾壺就淺沙遠鷗浮水靜輕燕受風斜  
世路雖多梗吾生亦有涯此身醒復醉乘興即為家

韓集

奉和杜相公太清宮紀事陳誠上李相公

十六韻

耒耜興姬國，輶櫜建夏家。在功誠可尚，於道詎為華。  
象帝威容大，仙宗寶曆賒。衛門羅戟纛，圖壁雜龍蛇。  
禮樂追尊盛，乾坤降福遐。四真皆齒列，二聖亦有差。  
陽月時之首，陰泉氣未牙。階或作楚鋪水碧，庭炬折  
金葩。紫極觀忘倦，青詞奏不譁。音吟音宏宮夜闌，嘈  
才刀噉才眉反鼓晨，擗藝味陳奚。取名香薦孔，嘉穡  
紛可錄，俾壽浩無涯。貴相山瞻峻，清文玉絕瑕。代工

怒問遠擗事，故蒸加皎潔。當天日，歲豨捧，日霞唱，  
酬亦厭，倪仰但稱嗟。

七言絕句

正音

竹枝詞

劉禹錫

山上層層桃李花，雲間烟火是人家。銀釧金釵未及  
水長刀短笠去燒茶。

寒食

春城無處不飛花，寒食東風御柳斜。日暮漢宮傳蠟

燭輕烟散入五侯家

聽隣家吹笙

鳳吹聲如隔綵霞不知牆外是誰家  
重門深鎖無尋處疑有碧桃三樹花

題明惠上人房

秦系

簷前朝暮雨添花八十長僧飯熟麻入定幾時還出  
定不知巢燕污袈裟

逢賈島

張籍

僧房逢著款冬花小寺行吟日已斜  
十二街中春雪

遍馬蹄今去入誰家

烏衣巷

劉禹錫

朱雀橋邊野草花烏衣巷口夕陽斜  
舊時王謝堂前燕飛入尋常百姓家

阿嬌怨

望見茂鬢翠華試開金屋掃庭花  
須臾宮女傳來信言幸平陽公主家

泊秦淮

杜牧

烟籠寒水月籠沙夜泊秦淮近酒家  
商女不知亡國

恨隔江猶唱後庭花

華清宮

王建

酒幔高樓一石家宮前揚柳寺前花內園分得溫湯  
水二月中旬已造瓜作破瓜 瓜三體

退宮人

杜牧

閑吹玉殿昭華管醉折梨園縹蒂花十年一夢歸人  
世綵綉猶封繫臂紗

遺響

送元使君自楚移越

劉商

露冕行春向若耶野人懷惠欲移家東風二月催陰  
道惟見棠梨一樹花

和令狐相公別院牡丹

王涯

辛章宅裏一欄花臨到開時不在家莫道兩京非遠  
別春明門外即天涯

山行

杜牧

遠上寒山石逕斜白雲深處有人家停車坐愛楓林  
晚霜葉紅於二月花

客有卜居不遂薄游沂龍因題許渾

海峽西飛白日斜  
天門遙望五侯家  
樓臺深鎖無人  
到落盡春風第一花

無題

李商隱

聞道閭門萼綠華  
昔年相望向天涯  
豈知一夜添樓  
客偷看吳王內苑花

花下醉

尋芳不覺醉流霞  
倚樹沉眠日已斜  
客散酒醒深夜  
後更持紅燭賞殘花

過南隣花園

雍陶

莫怪頻過有酒家  
多情長是惜年華  
春風堪賞還堪  
恨絕見開花又落花

城西訪友人別墅

澧水橋過小路斜  
日高猶未到君家  
村園門巷多相  
似處處春風枳殼花

小遊仙

曹唐

方士飛軒駐碧霞  
酒香風冷月初斜  
不知誰唱春歸  
曲落盡谿頭白玉花

旅夕

高蟾

風散古陂驚宿鴈月臨荒戍起啼鴉不堪吟斷無人  
見時復寒燈落一花

曲江春望

唐彥謙

杏艷桃嬌奪晚霞樂遊無廟有年華漢朝冠蓋皆陵  
墓十里宜春下苑花

雨晴二体作晴景

雨前初見花間葉雨後全無葉底花蛺蝶飛來過墻  
去却疑春色在鄰家

襄漢旅道軍後有感二体作尤韓掣

水自潺湲日自斜畫無鷄犬有鳴鴉千村萬落如寒  
食不無人烟空見花

寄人

張泌

別夢依依到謝家小廊迴合曲欄斜多情只有春庭  
月猶為情人照落花

秋塘曉望

吳商浩

鍾盡疎桐散宿鴉故山烟樹隔天涯西風一夜秋塘  
曉零落幾多紅藕花

天津橋春望

雍陶

津橋春水浸紅霞  
烟柳風絲拂岸斜  
翠輦不來金殿  
閉宮鶯啣出上堂花

經故太尉段公廟

徒想追兵緩翠華  
古碑荒廟閉松花  
紀生不向滎陽  
死豈有山河屬漢家

夏日寄江上親友

雨過山前日未斜  
清蟬嘒嘒落槐花  
車輪菊北已無  
限江上故人絕到家

三體

酬李穆

孤舟相訪至天涯  
禹轉雲山路更賒  
欲掃柴門迎遠  
客青苔黃葉滿貧家

贈張千牛

韓翃

蓬萊閣下是天家  
上路新回白鼻騮  
急管晝吹平樂  
酒春衣夜宿杜陵花

贈魏三十七

李群玉

名珪似玉淨無瑕  
羨與芳聲有數車  
莫放焰光高二  
丈來年燒殺杏園花



西歸出斜谷

雍陶

行過險棧出褒斜出盡平川似到家無限客愁今日  
散馬頭初見米囊花

經賈島墓

鄭谷

水繞荒墳縣路斜耕人訝我久各嗟重來兼恐無尋  
處落日風吹鼓子花

隋宮

鮑容

柳塘烟起日西斜竹浦風回鴈弄沙煬帝春遊古城  
在壞宮芳草滿人家

題張道士山居

秦系

盤石重蘿即是家回頭猶看五枝花松間寂寂無烟  
火應服朝來一片霞

選唐

朝史哀

王維

清風細雨濕梅花驟馬先過碧玉家正值楚王宮女  
至門前初下七香車

楊柳枝詞四首

劉禹錫

輕盈嫵娜占年華舞榭粧樓處處遮春盡絮飛留不

得隨風好去落誰家

浪陶沙詞二首其一

洛水橋邊春日斜  
碧流清淺見瓊沙  
無端陌上狂風  
急驚起鴛鴦出浪花

道州寄東館諸賢

呂溫

東池送客醉年華  
聞道風流勝習家  
獨卧郡齋寥落  
意隔簾微雨濕梨花

訪李少卿不遇

錢起

畫戟朱樓映晚霞  
高梧寒柳度飛鴉  
門前不見歸軒  
跡城上愁看落日斜

宮人斜

竇華

竇華

離宮路繞北原斜  
生死深恩不到家  
雲雨今歸何處  
去黃鸝飛上海棠花

郵亭殘花

張祐

雲暗山橫日欲斜  
郵亭下馬看殘花  
自後身逐征西  
府每到花時不在家

正聲

山房春事

岑參

梁園日暮亂飛鴉。極目蕭條三兩家。庭樹不知人去盡。春來還發舊時花。

李集

水王東巡歌十一首其一

三川北虜亂如麻。四海南奔似水嘉。但用東山謝安石。為君談笑靜胡沙。

巴陵贈賈舍人

賈生西望憶京華。湘浦南遷莫怨嗟。聖主恩深漢文帝。憐君不遣到長沙。

陌上贈美人

一云小教歌行一首  
在第三此是第二篇

駿馬驕行踏落花。垂鞭直拂五雲車。美人一笑褰珠箔。遙指紅樓是妾家。

與史郎中欽聽黃鶴樓上吹笛

一為遷客去長沙。西望長安不見家。黃鶴樓中吹玉笛。江城五月落梅花。

宣城見杜鵑花

蜀國曾聞子規鳥。宣城還見杜鵑花。一叫一回腸一斷。三春三月憶三巴。

杜集

漫興九絕其二

手栽桃李非無主野老墻依還是家恰似春風相欺  
得夜來吹折數枝花

江畔獨步尋花七絕其三

江深竹靜兩三家多是紅花映白花  
報春春光知有處應須美酒送生涯

夔州歌十絕其五

滾東滾西一萬家江北江南春  
夏花皆飛鶴子遺瓊

蕊相過鳧雛入蔣牙

韓集

春雪

新年都未有芳華二月初驚見草芽  
白雪却嫌春色晚故穿庭樹作飛花

楸樹二首其二

幸自枝條能樹立可或作何煩或作煩莫或作交加傍或作遊  
遊或作人不辭尋根本却道新花勝舊花

題秀禪師房

橋夾水松舩或作行百步竹牀林或作莞席到僧家暫攀

一手支頭頭或作即還把漁竿下釣晚或作沙

遊西林寺題蕭二兄郎中舊堂

中即有女能傳業伯道無兒可保家或作無入偶到

匡山曾住處幾行衰淚落烟霞

七言律詩

正音

奉和聖製從蓬萊向興慶閣道中留春望

之作

王維

渭水自縈秦塞曲黃山舊繞漢宮斜銜輿迥出千門

柳閣道迴看上苑花雲裏帝鳳闕雨中春柳

人家為乘陽氣行時令不是游重物華

赴嘉州過城固縣尋永安超禪師房

岑參

滿寺枇杷冬著花老僧相見具袈裟漢王城北雪初

霽韓信壇西日欲斜門外不須催五馬林中且聽演

三車豈料巴川多勝事為君書此報京華

隋宮

李商隱

紫泉宮殿鎖烟霞欲取蕪城作帝家玉璽不緣歸日  
角錦帆應是到天涯于今腐草無螢火終古垂楊有  
暮鴉地下若逢陳後主豈宜重問後庭花

三體

荅竇拾遺卧病見寄

包信

今春扶病移滄海幾度承恩對白花送客屢聞簷外  
鶻消愁已辨酒中蛇瓶收枸杞懸泉水鼎鍊芙蓉伏  
火砂悞入塵埃牽吏役羞將簿領到君家

牡丹

羅鄴

落盡春紅始見花花時比屋事豪奢買栽池館恐無  
地看到子孫能幾家門倚長衢攢綉輓幄籠輕目護  
香霞歌鐘滿坐爭歡賞肯信流年髮有華

鼓吹

送鄆州李郎中赴任

劉禹錫

楚關鄆水路非賒東望雲山日夕佳薤葉照人呈夏  
簞松花滿碗試新茶樓中飲興因明月江上詩情為  
晚霞此地交親長引領早將玄髮到京華

長安春日

薛逢

窮途日日困泥沙上苑年年好物華荆棘不當車馬  
道管絃長奏綺羅家王孫草上悠揚蝶少女風前爛  
熳化懶出任從遊子笑入門還是舊生涯

奉和措家林亭

陸龜蒙

一陣西風起浪花遶欄干下散瑤華高窓曲檻仙侯  
府折葦荒片白鳥家孤島待寒凝片月遠山終日散  
餘霞若知方外仙如此不要秋乘上海槎

奉和夏景冲澹偶然作

蟬雀參差在扇紗竹襟輕利籜冠斜爐中有酒文園

會琴上無絃靖節家芝畹烟霞全覆穗橘州風浪半  
浮花鬧思兩處忘名者不信人間髮解華

酬王季友題半日村別業

郎士元

村映寒原日已斜烟生密竹早歸鴉長溪南路當群  
岫半景東隣照數家門通小徑連芳草馬飲春泉踏  
淺沙欲待主人林上月還思潘令縣中花

病馬呈鄭校書

其二  
其一

曹唐

駉駉何年別渥洼病來顏色半泥沙四蹄不鑿金砧  
裂雙眼慵開玉筋斜墮月兔毫乾骸鍊失雲龍膏瘦

查牙平原好牧無人放嘶向秋風首蓓花

贈南嶽馮處士

二首  
其二

寂寥深木閉烟霞洞裏相知有幾家  
笑看潭魚吹水沫醉噴溪麻喫  
蕉花穿厨歷歷泉聲細繞屋悠悠樹  
影斜夜靜著灰封釜竈自添文武養  
丹砂

皇初平將入金華山

宋龜

莫道春遊烟景賒瀟湘有路入金華  
溪頭鶴樹春常在洞口人家日易斜  
一水暗迴閑繞澗五雲長往不還家  
白羊成隊難收拾喫盡溪邊巨勝花

殺步訪魯學不過

皮日休

雪晴墟里竹欹斜蠅殺徐吟到陸家  
荒廷掃稀堆栢子破扉開澀染苔  
花壁閑定欲圖雙檜厨靜空如飯  
一麻擬受太玄今不遇可憐遺恨似  
侯芭

寄瓊州楊舍人

德星文彩障天涯酒樹堪消謫宦嗟  
行遇竹王因設奠居逢木客又遷家  
清齋靜澗枕柳麵遠信閑封豈  
菟花清切會須歸有日莫貪勾漏足  
丹砂

魯望憫承吉之孤為詩引邀余屬和欲用



余道振其孤而和之噫承吉之困身後乎  
魯望視余困與承吉身前執苦哉未有已  
因而能振人者抑為辭用塞良友

先生清骨爽相霞業破孤存誰為嗟幾篋詩書今貴  
位一林石筍散豪家兒過舊宅啼楓影姬遶荒田泣  
稗花惟我與君堪使戒莫將文譽作生涯

奉和魯望白羽

張翥

雪彩水姿號女華寄身多是地仙家有時南國和霜  
立幾處東籬伴月斜謝客瓊枝空貯恨素即金鈿不

成誇自知終古清香在更出梅妝弄晚霞

街西

杜牧

碧池新漲浴驕鴉分鎖長安富貴家遊客偶同人聞  
酒名園相倚杏交花銀鞍驟裏嘶死馬綉鞅恣寵走  
鈿車一曲將軍何處笛連雲芳樹日初斜

題同官李明府書舍

崔峒

訟堂寂寂對烟霞五柳門前聚晚鳴流水聲中視公  
事寒山影裏見人家觀風共羨新為政計日還應更  
觸邪可惜陶潛無限興不逢籬菊正開花

閑望

吳融

三點五點映山雨一枝兩枝臨水花  
蛺蝶狂飛掠芳草鴛鴦熟睡曉暖晴  
一作沙闕下新居非已業江南舊  
隱是誰家東遷西去都無計却羨暝歸林上鴉

宋玉

李商隱

何事荆門百萬家獨教宋玉擅才華  
楚辭已不饒唐勒風賦何曾讓景差  
落日渚宮供觀閣開年雲夢送  
烟花可憐庾信尋荒逕猶得三朝托後車

春日野步

溫庭筠

日西塘水金堤斜百草芊芊暗  
一作吐芽野岸明媚  
山芍藥水田叫噪官蝦蟆鏡中有浪動菱蔓  
陌上無風吹柳花何事輕撓向溪客綠萍  
方好不歸家

別江上一二友生

譚用之

國家千載務重華須逐浮雲背若耶  
無地可歸堪種玉有天教上且乘槎  
白綸暗巾卸蘇門月紅錦衣裁  
御苑花他日成都却回首東山看取謝鯤家

貽費道人

誰如南浦傲烟霞白葛衣輕稱帽紗  
碧玉蟬迎客

酒黃金轂輓釣魚車吟歌雲鳥歸樵谷卧愛神仙入  
畫家他日鳳書何處覓武陵烟樹半桃花

贈韓道士

張泌

日暮秋風吹野花上清婦客意無涯仙源寂寂烟霞  
閉天路悠悠星漢斜還似世人生白髮定教仙骨瘦  
黃茅東城南陌頻相見應是壺中別有家

雪夜泛舟遊南溪

韋莊

大江西面小溪斜入竹穿松似若耶兩岸巖風吹玉  
樹一灘明月照銀沙因尋野渡逢漁舍更泊前灣上

酒家去去不知歸路遠棹聲烟裏獨嘔啞

長安春望

張翥

明時不敢卧烟霞又見秦城換物華殘雪未消雙鳳  
闕新春已發五陵家甘貧只擬長監酒忍病猶期強  
采華故國別來桑柘盡十年兵燹海西涯

寒食

李山甫

柳礙東風一向斜春陰澹澹野人家有時三點兩點  
雨到處十枝五枝花萬井樓臺疑綉畫九原松柏似  
烟霞年年今日誰相問獨卧長安泣歲華

南海府罷歸京口經大庾嶺贈張明府

後皆許  
潭集

許潭

樓船旌旆極天涯  
一劔從軍兩鬢華  
回日眼明河畔草  
去時腸斷嶺頭花  
陶書盡寫行過縣  
張賦初成卧到家  
官滿知君有婦處  
姑蘇臺上舊烟霞

送黃隱居歸南海

瘴霧南邊久寄家  
海東來往信流槎  
林麓萬畝多殘筍  
樹過猩猩少落花  
深洞有雲龍蛻骨  
半岩無草象生牙  
知君愛宿層峯頂  
坐到三更見日華

贈鄭處士

道傍年少莫矜誇  
心在重霄髮未華  
楊子可曾過北里  
魯人何必敬東家  
寒雲曉散千峰雪  
暖酒晴開一徑花  
且賣湖田釀春酒  
與君書劍是生涯

南海府罷歸南康阻淺行侶稍稍登陸主人  
燕餞至頻暮宿東溪

晴灘水落漲虛沙  
灘去秦皇萬里餘  
馬上折殘江北柳  
舟中開盡嶺南花  
離歌不斷如畱客  
歸夢初驚似到家  
山鳥一聲人未起  
半床殘月在天涯

懷舊居

三獻無功玉有瑕更携書劍客天涯孤帆夜別瀟湘  
兩廣陌春期鄴柱花灯照水螢千點滅棹驚灘鴈一  
行斜関河萬里秋風急望見香山不見家

光嶽英華

奉和太平公主南莊應制

李尚貞

平陽館外有仙家沁水園中好物華地出東郊回日  
馭城臨南斗度雲車風泉韻繞幽林竹雨霰光搖雜  
樹花已慶時來千萬壽還言日暮九重賒

類編

送客水略唱陝

相風筆影曉未斜渭水東流去不除枕上未醒秦地  
酒舟前已見陝人家春橋楊柳應齊葉古縣棠梨也  
作花好是五賢嘉賞地行逢三月會連沙

杜集

曲江陸鄭八丈南史飲

雀啄江頭楊柳花鷓鴣鷓滿晴沙自知白髮悲春  
事且盡芳樽戀物華近侍即今難浪跡此身那得更

無家丈人才力猶強健。且傍青門學種瓜。

題桃樹

小徑升堂舊日斜。三株桃樹亦徒遮。高秋總餽貧  
人食。未歲還舒滿眼花。蕉刀每直通乳燕。兒童莫  
信打慈鴿。寡妻群盜非今日。天下車書正一家。

秋興八首

夔府孤城落日斜。每依北斗望京華。聽猿拔實下  
三声。浹奉使虛隨八月槎。書省香爐還伏枕。山樓  
粉堞隱悲笳。請看石上藤蘿月。已映洲前蘆荻花。

舍弟觀赴藍田取妻子到江陵寄寄

庾信羅含俱有宅。春來秋去落誰家。短牆若任從殘  
草。喬木如存可假花。卜筮應同將詔徑。為園須似邵  
平瓜。比年病酒開消滴。弟勸兄酬何怨嗟。

韓集

次鄧州界

潮陽南去倍長沙。亦恐關那堪。又憶家心訝秋葉。惟野  
火眼知別後自添花。商顏暮雪逢人少。鄧鄙春泥見  
驛賒。早晚王師收海嶽。普將雷雨發萌芽。

答張十一功曹

山淨江空水見沙，  
夜猿啼處兩三家。  
筓簞營營競長織，  
筓躑躅閑開豔豔花。  
未報恩波知死所，  
莫令炎瘴送生涯。  
吟君詩罷看双鬢，  
斗覺霜毛一半加。  
斗義與徒同

雅音會編卷之八畢

程